

Prensa oharra

Nota de prensa



Illunbe berriak Donostiako kultur eta kirol-bizitzaren erdigunea izateko asmoa du

Udalak proposatu du erabilera anitzerako pabiloia egitea, ingurua berritzea eta Anoeta kirol hiriarekin, eta beraz, hiriarekin integratuta egotea

“Illunbe hiriak merezi duen erabilera anitzerako pabiloian bihurtuko da”. Horrela hasi du Donostiako alkate Eneko Goiak PSE-EEren bozeramaile Ane Oyarbiderekin batera egindako prentsa-agerraldia. Bertan, Illunbe bera eta ingurua berritzeko aurreproiektua aurkeztu dute.

Alkateak eta Ekonomia zinegotziak Udalak diseinatutako aurreproiektua aurkeztu dute. Aurreproiektuaren aurkezpenarekin zaharkitutako zezen plaza berritzeko prozesuari ekiten zaio, hain zuzen ere, kirol-, kultur- eta erabilera anitzerako ekitaldiak hartuko dituen pabiloia egiteko prozesuari. Aurreproiektua sakonago garatu beharko da eta ezinbestekoa izango da finantzaketa zehazteko akordioa egitea Gipuzkoako Foru Aldundiarekin eta Eusko Jaurlaritzarekin. Bertan ere aurreikusten dira, Illunbe ingurua berritzea, saihezbidearen gainetik pasarela egitea eta lur-azpian aparkaleku handi bat sortzea.

Instalazio berriaren oinarria egungo instalazioa izango da, izan ere, egungoa zati batean bere horretan geratuko da, baina bi kantxa izango ditu: nagusiak 15.000 ikusleentzako edukiera izango du, eta bigarren kantxa osagarri bat egingo da edukiera txikiagoarekin (2.500 eta 3.000 ikusleentzako edukierarekin). Azken hau kirol jarduerak antolatzeko zuzenduko da, eta horrenbestez, erabilera handiagoa emango zaio. Hortaz, Illunbe Berriak erantzuna emango die hiriko elite mailako klubek dituzten beharrei, izan ere, instalazio modernoa, berritua eta edukiera beharren arabera moldatu daitekeena izango dute.

Era berean, proiektuak aurreikusten du instalazioa erabili ahal izatea kultur-jarduerak antolatzeko, esaterako tamaina ertaineko kontzertuak egiteko, baita jarduera sozialak antolatzeko ere, eta kontuan hartu ditu garrantzia duten beste hainbat gauza, besteak beste, segidakoak: sarrera-irteerak, aparkalekua edo duela urte batzuk jarduera komertziala hartzen zuen eremuak izan ditzakeen etorkizuneko erabilerak.

Eneko Goiak azpimarratu du, asmo handiko proiektua dela, hain zuzen ere, zaharkituta gelditu den instalazioa berritzea baino askoz gehiago bilatzen duen proiektua. Izan ere, hiriaren potentziala handitu nahi du eta instalazio adierazgarrian bilakatzea nahi du, hiriak dituen beharrei erantzuna emateko. Illunbe Berriak hiriko klubek adierazitako beharrei erantzuna emango die, eta beste hainbat kultur- eta gizarte-ekitaldi hartuko ditu, instalazioa hiriko kirol- eta kultur-jardueraren erdigunea bihurtuz.

Prentsa oharra

Nota de prensa



Erabilera anitzerako eta inguruarekin integratuta

Horrenbestez, Illunbe erabilera ezberdinak izan ditzakeen zezen plaza zaharkitu bat izatetik, erabilera anitzerako pabiloia izatera pasako da. Eta bertan ekitaldi ugari egin ahal izango dira, baita zezenketak ere.

Halaber, aurreproiektuak inguruan honako berrikuntzak egitea aurreikusten du: ingurua berritzea, sarrera berria sortzea, egun dauden bideak aldatzea eta Anoeta kirol hiriarekin integratuta egotea. Horren harian, Donostiako alkateak segidakoa nabarmendu du: “Illunbera oinez joateko bidea Anoeta kirol hiritik egingo da, “high line” berri bat sortuta, hau da, kirol hiritik saihebidetaren gainetik kalitate handiko oinezkoentzako pasabide baten bitartez.

Gainera, egun Illunben dagoen bidea mendebalderantz eramango da eta Illunberen inguruan plaza handi bat egingo da, egun erabilerarik ez duen eremu bat berreskuratuz, eta bertan programatuko diren ikuskizunetara joaten diren pertsonentzako aisialdi eremua sortuz.

PSE-EEren bozeramaile Ane Oyarbidek azpimarratu du, “aurreproiektuak Illunbe eraldatzeko dugun konpromisoa eta ausardia erakusten duela, izan ere, eremua hirira gerturatuko da harmonikoki. Ekimenak legealdi hasieran Anoetako kirol-instalazioak hobetzeko eta hiriko klubak beharrei erantzuna emateko adierazi genuen apustu sendoa indartzen du”.

Ildo beretik, Oyarbidek esan du, “erabilera anitzerako pabilo berriak eskaera horiek guztiei aurre egin ahal izango die, eta gainera Donostia kontzertu handien eta ikuskizunen zirkuituan jarriko du, hiriko kultur-eskaintza handituz eta ekonomia bultzatuz”.

Illunbe inguruko bidea mendebalderantz eramatea eta aisialdi eremu berriaren sorrerak egun dagoen aparkalekua kentzea ekarriko du. Horri aurre egiteko, lur-azpian, 1.000 ibilgailuentzako aparkalekua egingo da, hain zuzen ere, Illunbek berak zein Anoetan dauden jarduerari, esaterako Realaren partidak, zerbitzu emango dien aparkalekua. Eta era berean, hirira bisitari kopuru handiak etortzen direnean aparkaleku disuasorio moduan erabili ahal izango da”.

Parke Teknologikoa handitzeko aukera kontuan hartzen du

Donostiako alkate Eneko Goiak eta PSE-EEren bozeramaile Ane Oyarbidek aurkezpena egin dute aurreproiektua erakusten duen fotorik baten laguntzaz. Bertan, erabilera anitzerako pabiloiaren aurrean bi eraikin ikusten dira. Horren harian, Eneko Goiak gogorarazi du, “Parke Teknologikoarekin hitz egiten jarraitzen dugula egungo instalazioaren aurrealdean dagoen eremua – hain zuzen ere, lokal

Prensa oharra

Nota de prensa



komertzialak hartzen zituen eremua – hartu ahal izateko, Parke Teknologikoa zabaldu ahal izateko”.

Era berean, esan du, “beharrezkoa ikusten genuela erabilera anitzeko pabiloiaren aurreproiektuak nolabait kontuan hartzea leku horretan beste eraikinen bat egon daitekeela, baldin eta Parkearekin negoziazioa ondo amaituko balitz. Horrek berresten du aurreikusi diren sarrera berrien beharra, baita inguruan sortuko den aisialdi eremua ere, izan ere, Parke Teknologikoaren zabaltzeari zerbitzu emango lioke ere.

Eusko Jaurlaritzaren eta Gipuzkoako Foru Aldundiaren parte hartzea

Dagoneko Donostiako Udalak Illunbe berritzeko finantzaketan parte hartzeko prestutasuna agertu duten Eusko Jaurlaritzari eta Gipuzkoako Foru Aldundiari aurkeztu die aurreproiektua. Horri buruz, Eneko Goiak honakoa esan du: “Behin aurreproiektua eginda eta dauden beharrak ikusita, hiru erakundeak elkarlanean aritzeko unea da behin betiko proiektua idatzi eta gauzatu ahal izateko, Donostiak eta ikuskizunak, jarduerak eta tamaina erdiko kontzertuak antolatzen dituzten hiriko kirol klubek eta kultur-eragileek hainbeste behar dugun eta merezi dugun erabilera anitzeko pabiloia izan dezagun”.

Donostia, 2025eko otsailak 4